

Informacija
o zaključivanju Memoranduma o razumijevanju između Ministarstva vanjskih poslova
Crne Gore i Ministarstva vanjskih poslova Bosne i Hercegovine u oblasti diplomatske
obuke

Na liniji daljeg unapređenja odnosa i saradnje između Crne Gore i Bosne i Hercegovine, u komunikaciji između dva ministarstva vanjskih poslova, iskazano je interesovanje za zaključivanje Memoranduma o razumijevanju između Ministarstva vanjskih poslova Crne Gore i Ministarstva vanjskih poslova Bosne i Hercegovine u oblasti diplomatske obuke.

Cilj ovog Memoranduma o razumijevanju je da uspostavi okvir za saradnju između dva ministarstva u kom će se sprovoditi aktivnosti u oblasti diplomatske obuke po načelima reciprociteta i međusobnih koristi.

Memorandum o razumijevanju između Ministarstva vanjskih poslova Crne Gore i Ministarstva vanjskih poslova Bosne i Hercegovine u oblasti diplomatske obuke predviđa sljedeće modele saradnje: razmjenu poziva diplomatskom osoblju za učešće u programima stručnih usavršavanja od uzajamnog interesa; razmjenu poziva relevantnim predavačima za učešće u programima stručnog usavršavanja od uzajamnog interesa; organizovanje zajedničkih programa stručnog usavršavanja od uzajamnog interesa; razmjenjivanje informacija o iskustvima i trendovima od značaja za obuku diplomata; razmjenjivanje relevantne literature, nastavnog materijala i publikacija; razmjenu iskustava u organizaciji međunarodnih programa usavršavanja; kao i druge aktivnosti koje strane dogovore.

Memorandum će stupiti na snagu danom potpisivanja i zaključuje se na neodređeno vrijeme.

Planirano je da Memorandum potpiše mr Ervin Ibrahimović, potpredsjednik Vlade i ministar vanjskih poslova Crne Gore.

NACRT

**MEMORANDUM O RAZUMIJEVANJU
IZMEĐU
MINISTARSTVA VANJSKIH POSLOVA CRNE GORE
I
MINISTARSTVA VANJSKIH POSLOVA
BOSNE I HERCEGOVINE
U OBLASTI DIPLOMATSKO OBUKE**

Ministarstvo vanjskih poslova Crne Gore i Ministarstvo vanjskih poslova Bosne i Hercegovine (u daljem tekstu: "Strane"),

Uzimajući u obzir prijateljski odnos i saradnju između Crne Gore i Bosne i Hercegovine,

Vođeni zajedničkom željom za uspostavljanjem i razvijanjem saradnje i obostrano korisnog odnosa između Strana u oblasti obuke diplomata,

Sporazumjeli su se o sljedećem:

**Član 1
Cilj**

Cilj ovog Memoranduma o razumijevanju (u daljem tekstu: "Memorandum") je da uspostavi okvir za saradnju između Strana u kojem će sprovoditi aktivnosti u oblasti diplomatske obuke po načelima reciprociteta i uzajamnih koristi.

**Član 2
Modaliteti saradnje**

Strane mogu sprovoditi aktivnosti kroz sljedeće modalitete:

- razmjenu poziva diplomatskom osoblju za učešće u programima stručnih usavršavanja od uzajamnog interesa koje organizuju Strane;
- razmjenu poziva relevantnim predavačima za učešće u programima stručnog usavršavanja od uzajamnog interesa koje organizuju Strane;
- organizovanje zajedničkih programa stručnih usavršavanja od uzajamnog interesa;
- organizovanje predavanja od uzajamnog interesa prilikom zvaničnih posjeta visokih predstavnika jedne od Strana državi druge Strane;
- razmjenu informacija, iskustava i trendova od značaja za obuku diplomata;
- razmjenu relevantne literature, nastavnog materijala i publikacija, pri čemu će se pravo na intelektualnu svojinu poštovati u potpunosti;
- promovisanje programa stručnih usavršavanja koje organizuju Strane putem zvaničnih internih i eksternih kanala komunikacije Strana gdje je to primjenljivo;
- svaki drugi modalitet saradnje koji su dogovorile Strane.

Član 3 Finansiranje

Svaka Strana će snositi svoje troškove koji mogu nastati kao rezultat sprovođenja ovog memoranduma, u skladu sa svojim budžetskim sredstvima.

Član 4 Rješavanje sporova

Svaki spor ili razlika koja se odnosi na tumačenje ili sprovođenje ovog memoranduma rješavaće se između Strana direktnim pregovorima.

Član 5 Završne odredbe

Ovaj memorandum stupa na snagu na dan njegovog potpisivanja i ostaje na snazi na neodređeno vrijeme.

Ovaj memorandum se može izmijeniti u bilo kojem trenutku u pisanoj formi uzajamnom saglasnošću Strana.

Svaka Strana se može povući iz ovog memoranduma slanjem obavještenja drugoj Strani diplomatskim putem. U tom slučaju, raskid Memoranduma stupa na snagu tri (3) mjeseca nakon datuma prijema obavještenja.

Raskid ovog memoranduma neće uticati na tekuće aktivnosti saradnje koje su pokrenute tokom njegovog roka važenja.

Potpisano u _____ na dan _____ u dva originala, na crnogorskom, bosanskom, hrvatskom, i srpskom jeziku pri čemu su svi tekstovi jednako vjerodostojni.

**Za Ministarstvo vanjskih poslova
Crne Gore**

Ervin Ibrahimović

**ministar vanjskih poslova
Crne Gore**

**Za Ministarstvo vanjskih poslova
Bosne i Hercegovine**

Elmedin Konaković

**ministar vanjskih poslova
Bosne i Hercegovine**
